

4x

**IV RADNA SJEDNICA UPRAVNOG ODBORA**  
**Javne ustanove Bosansko narodno pozorište Zenica**

**Z A P I S N I K**

**MJESTO:** Trg Bosne i Hercegovine broj 3, Zenica, zgrada Javne ustanove Bosansko narodno pozorište Zenica, II sprat, Kancelarija broj 45  
**DATUM:** srijeda, 28. 12. 2022. godine  
**VRIJEME:** 16.00 h

**Sjednici prisustvuju:**

1. dipl. pravnik **Una Selimović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

**ZAPISNIČARKA:**

4. **Selma Tabaković-Jašar**, voditeljica Pravne službe JU BNP Zenica.  
Sjednici, po službenoj dužnosti, prisustvuje i direktor BNP Zenica, **Miroljub Mijatović**.

**Dnevni red:**

1. Usvajanje Zapisnika sa 3. radne sjednice;
2. Usvajanje konačnog prijedloga Pravila JU BNP Zenica nakon Obavijesti broj: 1272/22, dostavljene na Oglasnu ploču JU BNP Zenica;
3. Donošenje Odluke o izmjeni i dopuni Plana javnih nabavki za 2022. godinu radi provedbe postupka za nabavku opreme za pozorišnu rasvjetu i
4. Razno.

1. Usvajanje Zapisnika sa 3. radne sjednice

**ZAKLJUČAK:** Upravni odbor JU BNP Zenica jednoglasno usvaja Zapisnik sa treće radne sjednice, koji je prethodno dostavljen elektronskim putem.

2. Usvajanje konačnog prijedloga Pravila JU BNP Zenica nakon Obavijesti broj: 1272/22, dostavljene na Oglasnu ploču JU BNP Zenica;

**ZAKLJUČAK:** Upravni odbor JU BNP Zenica jednoglasno usvaja prijedlog Pravila koji će biti dostavljen na saglasnost osnivaču, odnosno nadležnoj službi Grada Zenica.

3. Donošenje Odluke o izmjeni i dopuni Plana javnih nabavki za 2022. godinu radi provedbe postupka za nabavku opreme za pozorišnu rasvjetu;

**ZAKLJUČAK:** Prema dostavljenoj informaciji direktora JU BNP Zenica na osnovu aplikacije po Javnom konkursu Ministarstva civilnih poslova za dodjelu sredstava iz tekućeg granta „Sufinansiranje projekata kulture u Bosni i Hercegovini“ za 2022. godinu, odobrena su sredstva u visini od =20.000,00 KM na ime projekta - Obnova svjetlosnog parka JU BNP Zenica, što uključuje nabavku LED reflektora u visini od =15.000,00 KM i dimera u visini od =5.000,00 KM. Takođe, temeljem pomenutog Javnog konkursa, odobrena su i sredstva u visini od =9.000,00 KM na ime realizacije Festivala bh. drame. Ugovor koji se odnosi na uslove i način korištenja, odnosno pravdanja dobijenih namjenskih sredstava bit će potpisan u četvrtak, 29. 12. 2022. godine.

S obzirom da nabavka LED reflektora nije predviđena Planom nabavki za 2022. godinu, isti je neophodno izmijeniti i dopuniti sa navedenom stavkom donošenjem posebne Odluke, kako bi se proveo postupak javne nabavke koji će biti pokrenut u 2022. godini.

U skladu sa prethodnim, Upravni odbor JU BN Zenica jednoglasno donosi Odluku o izmjeni i dopuni Plana javnih nabavki za 2022. godinu.

U okviru ove tačke dnevnog reda, direktor JU BNP Zenica dostavlja informaciju da su odobrena i namjenska sredstva od strane BH Telecom-a u iznosu od =4.900,00 KM, na ime realizacije Internacionalnog festivala edukativnog teatra – IFET.

#### 4. Razno

##### 4.1. - PROJEKAT SANACIJE RAVNOG KROVA -

**ZAKLJUČAK 1:** Na osnovu upita predsjednice Upravnog odbora, a slijedom nedavnog medijskog priloga o jako lošem stanju ravnog krova, direktor JU BNP Zenica još jednom je naglasio da se zbog nužnosti sanacije vrši stalna napomena na isto, kako bi se na taj način skrenula pažnja i omogućila potrebna sredstva od strane nadležnih organa, posebno jer je dato obećanje osnivača za uvrštavanje ove stavke u Budžet za 2023. godinu. Takođe, direktor JU BNP Zenica dostavlja informaciju da postoji mogućnost razgovora sa organizacijom TIKA, koja bi na određeni način mogla doprinijeti osiguranju neophodnih sredstava.

Upravni odbor JU BNP Zenica prima na znanje dostavljene informacije i u narednom periodu će biti redovno obaviješten o poduzetim aktivnostima, sa namjerom da se aktivno uključi u osiguranje uslova za početak realizacije ovog značajnog projekta.

##### 4.2. - PRIJEVOZ SCENOGRAFIJE ZA POTREBE GOSTOVANJA -

**ZAKLJUČAK 2:** Kako je i ranije spominjano, a s obzirom na značajne troškove koji se izdvajaju na godišnjem nivou u ovu svrhu, direktor JU BNP Zenica dostavlja prijedlog za kupovinu teretnog kombija kojim bi se omogućio prijevoz scenografije za gostovanje predstava u produkciji JU BNP Zenica.

U tom smislu predmetna sredstva za kupovinu vozila, mogu biti omogućena na osnovu kreditnog zaduženja, s time da bi se dio rate namirio iz mjesečne zakupnine dobivene najmom prostora Kabare kluba.

Članica UO Aldina A. predlaže da se u navedenu svrhu pokuša osigurati donacija vozila i slično, a predsjednica UO navodi i mogućnost ostvarivanja određene saradnje sa većim kompanijama i firmama (ASA group, Prevent group i sl.).

Član UO Adis M. predlaže da se potrebna sredstva pokušaju osigurati putem markentiških i produkcijskih aktivnosti.

Upravni odbor JU BNP Zenica prima na znanje dostavljene prijedloge i mogućnosti, a prije realizacije istog ponovno će se razmotriti ovo pitanje radi iznalaženja optimalnog rješenja.

U okviru ove stavke direktor JU BNP Zenica obavještava Upravni odbor JU BNP Zenica da su dugovanja na ime pružene usluge prijevoza prema Zeni-tours d.o.o. i GAMS d.o.o. u potpunosti izmirena.

##### 4.3. - J.P GRIJANJE – DOPIS

**ZAKLJUČAK 3:** Prema informaciji direktora JU BNP Zenica sa prethodne radne sjednice, koja se odnosi na utvrđivanje površine prostora JU BNP Zenica koji su priključeni na mrežu daljinskog grijanja i zaključka Upravnog odbora, upućen je dopis J.P. „Grijanje“ d.o.o. Zenica radi intervenciji jer je dio prostora u međuvremenu isključen je iz mreže daljinskog grijanja.

Slijedom navedenog direktor JU BNP Zenica obavještava Upravni odbor da je održan sastanak sa direktorom J.P. „Grijanje“ d.o.o. Zenica na kojem je utvrđeno da je površina od  $\approx 1.000,00 \text{ m}^2$  navedena znatno ranije u svrhu pružanja određene olakšice za JU BNP Zenica u tom periodu.

Trenutna cijena naknade za troškove grijanja obuhvata i paušalnu naknadu, odnosno fiksni trošak koji se odnosi na ukupnu površinu gdje je moguće zagrijavanje ( $\approx 5.602,00 \text{ m}^2$ ), bez obzira da li se ti prostori zagrijavaju, odnosno da li su isključeni iz mreže daljinskog grijanja. Od strane predstavnika

osnivača prihvaćen je nastavak isplate troškova grijanja prema J.P. „Grijanje“ d.o.o. Zenica u skladu sa dostavljenom površinom, a koje trenutno vrši Grad Zenica.  
Upravni odbor JU BNP Zenica prima na znanje prethodno dostavljenu informaciju.

4.4. **ZAKLJUČAK 4:**

Član Adis M., u okviru ove stavke predlaže odlazak na razgovor kod novoizabrane ministrice za obrazovanje, nauku, kulturu i sport ZDK radi podsjećanja o stanju u kulturi, radu ustanove i eventualnom rješavanju određenih problema.

Ostali članovi Upravnog odbora, zajedno sa direktorom JU BNP Zenica saglasni su sa navedenim prijedlogom.

Za narednu radnu sjednicu, član Adis M. predlaže da se kao posebna tačka dnevnog reda uvrsti rješavanje neovlaštenog parkiranja drugih lica na službenom dijelu parkinga ispred zgrade JU BNP Zenica, u dogovoru sa JP „Parking-Servis“ d.o.o. Zenica.

Upravni odbor JU BNP Zenica jednoglasno usvaja prethodni prijedlog.

Sjednica je zaključena u 16.40 h.

**ZAPISNIČARKA**

**PREDSJEDNICA UPRAVNOG ODBORA  
JU BNP ZENICA**

**Selma Tabaković-Jašar**

**Una Selimović**

Zapisnik je sačinjen na tri (3) numerirane stranice.

Zenica, 30. 12. 2022. godine  
Broj: 1373/22